



日日之函入

景徳傳燈録

十七十八

土岐文庫  
文庫17  
W17  
9





景德傳燈錄卷第十七

宋沙門道原墓

吉州青原山行思禪師第五卷

袁州洞山良价禪師法嗣二十六卷

洪州雲居山靈寂禪師

洞山師三傳遺命狀

京兆華嚴寺伏虎禪師

廣州慧能大師



文庫 17  
W17  
9

景德傳燈錄卷第十七

宋沙門道原纂

吉州青原山行思禪師第五世

袁州洞山良价禪師法嗣二十六人

見錄

洪州雲居山道膺禪師

撫州曹山本寂禪師

洞山第二世道全禪師

湖南龍牙山居遁禪師

京兆華嚴寺休靜禪師

京兆覓子和尚

筠州九峯普滿大師

台州幽棲道幽禪師

洞山第三世師虔禪師

洛州白馬遁儒禪師

越州乾峯和尚

吉州禾山和尚



昭和六十年二月一日贈  
吉原氏寄

010185192828

明州天童山咸啓禪師

潭州寶蓋山和尚

益州北院通禪師

高安白水本仁禪師

撫州疎山光仁禪師

澧州欽山文遠禪師

明州天童山義禪師

大原資聖方禪師

新羅國金藏和尚

益州白禪師

潭州文殊和尚

舒州白水山和尚

邵州西湖和尚

青陽通玄和尚

已上八人無機緣語句不錄

第六世四十三人

鄂州巖頭全豁禪師法嗣九人六人見錄

台州瑞巖師彥禪師

懷州玄泉彥禪師

吉州靈巖慧宗禪師

福州羅山道閑禪師

福州香谿從範禪師

福州羅源聖壽巖禪師

洪州大寧海一禪師

信州鷺湖山韶和尚

洪州大寧訥和尚

已上三人無機緣語句不錄

洪州感潭資國和尚法嗣一人見錄

安州白兆山志圓禪師

濠州思明和尚法嗣一人見錄

襄州鷲嶺善本禪師

潭州大光山居誨禪師法嗣一十三人七人見錄

潭州谷山有緣禪師法嗣潭州龍興和尚

潭州伏龍山第一世和尚

京兆白雲善藏禪師

潭州伏龍山第二世和尚

陝府龍峻山和尚

潭州伏龍山第三世和尚

大光山玄禪師

宋州淨覺和尚

鄂州永壽和尚

已上六人無機緣語句不錄

漳州藤霞和尚

華州崇勝證和尚

鄂州靈竹和尚

筠州九峯道虔禪師法嗣一十人見錄

新羅清院和尚

洪州泐潭神黨禪師

吉州南源山行修禪師

洪州泐潭明禪師

吉州秋山和尚

洪州泐潭延茂禪師

洪州同安常察禪師

洪州泐潭悟禪師

吉州禾山無殷禪師

洪州泐潭牟和尚

台州涌泉京欣禪師法嗣一人見錄

台州六通院紹禪師

潭州雲蓋山志元禪師法嗣三人見錄

雲蓋山志罕禪師

新羅臥龍和尚

彭州天台和尚

潭州谷山藏禪師法嗣三人見錄

新羅瑞巖和尚

新羅泊巖和尚

新羅大嶺和尚

潭州中雲蓋山和尚法嗣一人見錄

雲蓋山景和尚

河中府棲巖存壽禪師法嗣

道德禪師一人無  
機緣語句不錄

*[Faded bleed-through text from the reverse side of the page]*

吉州青原行思禪師第五世

袁州洞山良价禪師法嗣

洪州雲居道膺禪師幽州玉田人也姓王氏童非依

師稟教二十五受具於范陽延壽寺本師令習聲聞

篇聚乃歎曰大丈夫豈可桎梏於律儀耶乃去詣翠

微山問道經三載有雲遊僧自豫章來盛稱洞山价

禪師法席師遂造焉洞山問曰闍黎名什麼曰道膺

洞山云向上更道師云向上道即不名道膺洞山曰

與吾在雲巖時祇對無異也後師問如何是祖師意

洞山曰闍黎他後有一把茆蓋頭忽有又問闍黎如

長安傳燈錄卷十一

何祇對曰道膺罪過洞山有時謂師曰吾聞思大和尚生後國作王虛實曰若是思大佛亦不作況乎國王洞山然之一日洞山問什麼處去來師曰蹋山來洞山曰阿那箇山堪住曰阿那箇山不堪住洞山曰恁麼卽國內總被闍黎占卻也曰不然洞山曰恁麼卽子得箇入路曰無路洞山曰若無路爭得與老僧相見曰若有路卽與和尚隔生去也洞山曰此子已後千人萬人把不住師隨洞山渡水洞山問水深淺曰不濕洞山曰麤人曰請師道洞山曰不乾洞山謂師曰昔南泉問講彌勒下生經僧曰彌勒什麼時下

生日見在天宮當來下生南泉曰天上無彌勒地下無彌勒師隨舉而問曰只如天上無彌勒地下無彌勒未審誰與安字洞山直得禪牀震動乃曰膺闍黎師合醬次洞山問作什麼師曰合醬洞山曰用多少鹽曰施入洞山曰作何滋味師曰得洞山問大闍提人殺父害母出佛身血破和合僧如是種種孝養何在師曰始得孝養自爾洞山許之爲室中領袖初止三峯其化未廣後開雲居山四衆臻萃一日上堂因舉古人云地獄未是苦向此衣服下不明大事失卻最苦師乃謂衆曰汝等旣在這箇行流十分去九不

較多也更著些方便是上座不屈平生行腳不孤負  
叢林古人道欲得保任此事須向高高山頂立深深  
水底行方有些子氣力汝若大事未辦且須履踐玄  
途尚如何是沙門所重師曰心識不到處問佛與祖  
有何階級師曰俱是階級問如何是西來意師曰古  
路不逢人可觀上座問的罷標指請師速接師曰即  
今作麼生觀曰道即不無莫領話好師曰何必闍黎  
問如何是口訣師曰近前來向汝道僧近前曰請師  
道師曰也知也知師擲痒和問眾還會麼眾曰不會  
師曰趁雀兒也不會問如何得不惱亂和尚師曰與

我喚處德來僧遂去喚來師曰與我閉卻門問馬祖  
出八十四人善知識未審和尚出多少人師展手示  
之問如何是向上人行履處師曰天下太平問遊子  
歸家時如何師曰且喜歸來曰將何奉獻師曰朝打  
三千暮打八百師謂眾曰如好獵狗只解尋得有蹤  
迹底忽遇羚羊掛角莫道跡氣亦不識僧問羚羊掛  
角時如何師曰六六三十六又曰會麼僧曰不會師  
曰不見道無蹤迹有僧舉似趙州趙州云雲居師兒  
猶在僧乃問羚羊掛角時如何趙  
州云六六  
三十六眾僧夜參侍者持燈來見影在壁上有僧  
便問兩箇相似時如何師曰一箇是影問學人擬欲



歸鄉時如何師曰只這是新羅僧問佛陀波利見文  
殊為什麼卻迴去師曰只為不將來所以卻迴去師  
謂眾曰學佛法底人如斬釘截鐵始得時一僧出曰  
便請和尚釘鐵師曰口裏底是什麼僧問承教有言  
是人先世罪業應墮惡道以今世人輕賤此意如何  
師曰動即應墮惡道靜即為人輕賤宗壽稠答云心  
外有法應墮惡  
道守性自起僧問香積之飯什麼人得喫師曰須知  
為人輕賤道守性自起僧問香積之飯什麼人得喫師曰須知  
得喫底人人口也須抉出有一僧在房內念經師隔  
窻問閣黎念者是什麼經對曰維摩經師曰小問維  
摩經念者是什麼經其僧從此得人問孤迥迥嶺魏魏

時如何師曰孤迥迥嶺魏魏僧曰不會師曰面前接山  
子也不會新羅僧問是什麼得恁麼難道師曰有什  
麼難道曰便請和尚道師曰新羅新羅問明眼人為  
什麼黑如漆師曰何怪荆南節度使成汭遣大將入  
山送供問曰世尊有密語迦葉不覆藏如何是世尊  
密語師召曰尚書其人應諾師曰會麼曰不會師曰  
汝若不會世尊有密語汝若會迦葉不覆藏僧問纔  
生為什麼不知有師曰不同生曰未生時如何師曰  
不曾滅曰未生時在什麼處師曰有處不收曰什麼  
人受滅師曰是滅不得者師謂眾曰汝等師僧家發

言吐氣須有來由凡問事須識好惡尊卑良賤信口  
無益傷家到處覓相似語所以尋常向兄弟道莫怪  
不相似恐同學太多去第一莫將來將來不相似人  
十老人出場屋不是小兒戲一言參差千里萬里難  
為收攝直至敲骨打髓須有來由言語如鎖夾鉤鎖  
相續不斷始得頭頭上具物物上明豈不是精得妙  
底事道汝知有底人終不取次十度擬發言九度卻  
休去為什麼如此恐怕無利益體得底人心如臘月  
扇口邊直得醜出不是汝彊為任運如此欲得怎麼  
事須是怎麼人既是怎麼人何愁怎麼事學佛邊事

是錯用心假饒解千經萬論講得天華落石點頭亦  
不干自己事況乎其餘有何用處若將有限心識作  
無限中用如將方木逗圓孔多少差訛設使攢萃簇  
錦事事及得及盡一切事亦只喚作了事人無過人  
終不喚作尊貴將知尊貴邊著得什麼物不見從門  
入者非寶棒上不成龍知麼師如是三十年開發玄  
鍵徒衆常及千五百之數南昌鍾氏尤所欽風唐天  
復元年秋示微疾十二月二十八日為大衆開最後  
方便敘出世始卒之意衆皆愴然越明年正月三日  
跏趺長往今本山影堂存焉敕諡弘覺大師塔曰圓

寂

撫州曹山本寂禪師泉州莆田人也姓黃氏少慕儒學年十九出家入福州福唐縣靈石山二十五登戒唐咸通初禪宗興盛會洞山价禪師坐道場往來請益洞山問闍黎名什麼對曰本寂曰向上更道師曰不道曰為什麼不道師曰不名本寂洞山深器之師自此入室密印所解盤桓數載乃辭洞山洞山問什麼處去曰不變異處去洞山云不變異豈有去耶師曰去亦不變異遂辭去隨緣放曠初受請止于撫州曹山後居荷玉山二處法席學者雲集問不與萬法

為侶者是什麼人師曰汝道洪州裏許多人什麼處去也問眉與目還相識也無師曰不相識曰為什麼不相識師曰為同在一處曰怎麼即不分也師曰眉且不是目曰如何是目師曰端的去曰如何是眉師曰曹山卻疑曰和尚為什麼卻疑師曰若不疑即端的去也問於相何真師曰即相即真曰當何顯示師提起托子問幻本何真師曰幻本元真法眼別云云曰當幻何顯師曰即幻即顯法眼別云云曰怎麼即始終不離於幻也師曰覓幻相不可得問如何是常在底人師曰恰遇曹山暫出曰如何是常在底人師曰

難得僧清銳問某甲孤貧乞師拯濟師曰銳聞黎近  
前來銳近前師曰泉州白家酒三盞猶道未沾唇竟  
云什麼處是問擬豈不是類師曰直是不擬亦是類  
與他酒喫竟曰如何是異師曰莫不識痛痒鏡清問清虛之理畢  
竟無身時如何師曰理卽如此事作麼生曰如理如  
事師曰謾曹山一人卽得爭奈諸聖眼何曰若無諸  
聖眼爭鑒得箇不恁麼師曰官不容針私通車馬雲  
門問不改易底人來師還接否師曰曹山無恁麼閑  
功夫人問古人云人人盡有弟子在塵蒙還有也無  
師曰過手來乃點指曰一二三四五足問魯祖面壁

用表何事師以手掩耳問承古有言未有一人倒地  
不因地而起如何是倒師曰肯卽是曰如何是起師  
曰起也問承教有言大海不病死屍如何是海師曰  
包含萬有曰爲什麼不病死屍師曰絕氣者不著曰  
既是包含萬有爲什麼絕氣者不著師曰萬有非其  
功絕氣有其德曰向上還有事也無師曰道有道無  
卽得爭奈龍王按劍何問具何知解善能對衆問難  
師曰不呈句曰問難箇什麼師曰刀斧所不入曰能  
恁麼問難還更有不肯者也無師曰有曰是什麼人  
師曰曹山問無言如何顯師曰莫向這裏顯曰向什

處處顯師曰昨夜三更牀頭失卻三文鈿問日未出時如何師曰曹山也曾恁麼來曰日出後如何師曰猶較曹山半月程師問僧作什麼曰掃地師曰佛前掃佛後掃曰前後一時掃師曰與曹山過鞞鞋來師問彊德上座曰菩薩在定聞香象渡河出什麼經曰出涅槃經師曰定前聞定後聞曰和尚流也師曰道也大殺道始道得一半曰和尚如何師曰灘下接取問學人十二時中如何保任師曰如經蠱毒之鄉水不得露著一滴固如何是法身主師曰謂秦無人曰這箇莫便是否師曰斬問親近什麼道伴即得常聞

於未聞師曰同共一被蓋曰此猶是和尚得聞如何是常聞於未聞師曰不同於木石曰何者在先何者在後師曰不見道常聞於未聞問國內按劍者是誰師曰曹山法燈別云汝不是恁麼人曰擬殺何人師曰但有一切總殺曰忽遇本父母作麼生師曰揀什麼曰爭奈自己何師曰誰奈我何曰為什麼不殺師曰勿下手處問一牛飲水五馬不嘶時如何師曰曹山解忌口又別云曹山孝滿問常在生死海中沉沒者是什麼人師曰第二月曰還求出離也無師曰也求出離只是無路曰出離什麼人接得伊師曰擔鐵枷者僧舉藥

山問僧年多少僧曰七十二藥山曰是年七十二麼  
 曰是藥山便打此意如何師曰前箭猶似可後箭射  
 入深僧曰如何免得棒師曰正教既行諸侯避道東  
齊云曹山是明藥山意自出手為復別有道理還斷  
得麼只如這僧舉問曹山伊還有會處麼忽爾問上  
座年多少別問如何是佛法大意曰填溝塞壑問如  
作麼生祇對問如何是佛法大意曰填溝塞壑問如  
 何是師子師曰眾獸近不得曰如何是師子兒師曰  
 能吞父母曰既是眾獸近不得為什麼被兒吞師曰  
 子若哮吼祖父母俱盡曰只如祖父母還盡也無師  
 曰亦盡曰盡後如何師曰全身歸父曰前來為什麼  
 道祖父亦盡師曰不見道王子能成一國事枯木上

更採此子華問纔有是非紛然失心時如何師曰斬  
 斬僧舉有人問香巖如何是道答曰枯木裏龍吟學  
 云不會曰髑髏裏眼睛後問石霜如何是枯木裏龍  
 吟石霜云猶帶喜在又問如何是髑髏裏眼睛石霜  
 云猶帶識在師因而頌曰  
 枯木龍吟真見道 髑髏無識眼初明  
 喜識盡時消息盡 當人那辨濁中清  
 其僧却問師如何是枯木裏龍吟師曰血脉不斷曰  
 如何是髑髏裏眼睛師曰乾不盡曰未審還有得聞  
 者無師曰盡大地未有一箇不聞曰未審龍吟是何

章句師曰也。不知是何章句。聞者皆喪。師如是啓發。上機曾無軌轍。可尋及受洞山五位。銓量特爲叢林標準。時洪州鍾氏屢請不起。但寫大梅和尚山居頌一首答之。天復辛酉季夏夜。師問知事僧。今是何日。對曰六月十五日。師曰曹山一生行腳到處。只管九十日爲一夏。至明白辰時告寂。壽六十有二。臘三十有七。門人奉真骨樹塔。敕諡元證大師。塔曰福圓洞山道全禪師。第二世住亦初問洞山。价和尚如何。是出離之要。洞山曰。闍黎足下煙生。師當下契悟。更不他遊。雲居膺進語云終不敢孤負和尚足下和

尚圓寂。衆請踵迹。住持海衆悅服。玄風不墜。僧問佛人王官。豈不是大聖再來。師曰。護明不下。生僧曰。既是大聖再來。何更六年苦行。師曰。幻人呈幻事。曰非幻者。如何。師曰。王官覓不得。問清淨行者。不入涅槃。破戒比丘。不入地獄。如何。師曰。度盡無遺影。還他越涅槃。問極目千里。是什麼風範。師曰。是闍黎風範。曰未審和尚風範。如何。師曰。不布婆婆婆眼。湖南龍牙山居道禪師。撫州南城人也。姓鄧氏。年十四於吉州滿田寺出家。後往嵩嶽受戒。乃杖錫遊諸禪會。因參翠微和尚。問曰。學人自到和尚法席。一箇

餘月每自和尙上堂不蒙一法示誨意在於何翠微  
日嫌什麼有僧舉前語問洞山洞山云問衆爭怪得  
人尊宿語還有親疎也無若有阿又謁德山問曰遠  
那箇親若無親疎眼在什麼處聞德山一句佛法及乎到來未曾見和尚說一句佛  
法德山曰嫌什麼師不肯乃造洞山如前問之洞山  
曰爭怪得老僧師復舉德山頭落語因自省過遂止  
于洞山隨衆參請一日問如何是祖師意洞山曰待  
洞水逆流卽向汝道師從此始悟歎曰復握衣入稔  
受湖南馬氏請住龍牙山妙濟禪苑號證空大師有  
徒五百餘衆法無虛席上堂示衆曰夫參學人須透

過祖佛始得新豐和尚云祖教佛教似生怨家始有  
參學分若透祖佛不得卽被祖佛謾去時有僧問祖佛  
還有謾人之心也無師曰汝道江湖還有礙入之心  
也無又曰江湖雖無礙入之心爲時人過不得江湖  
成礙入去不得道江湖不礙人祖佛雖無謾人之心  
爲時人透不得祖佛成謾人去不得道祖佛不謾人  
若透得祖佛過此人過卻祖佛也始是體得祖佛意  
方與向上古人同如未透得但學佛學祖則萬劫無  
有得期又問如何得不被祖佛謾去師曰則須自悟  
去師在翠微時問如何是祖師意翠微曰與我將禪



板來師遂過禪板翠微接得便打師曰打卽任和尚  
打且無祖師意又問臨濟如何是祖師意臨濟曰與  
我將蒲團來師乃過蒲團臨濟接得便打師曰打卽  
任和尚打且無祖師意後有僧問和尚行脚時問二  
尊宿祖師意未審二尊宿道眼明也未師曰明卽明  
也要且無祖師意東禪齊云衆中道佛法卽有只是  
無祖師意若恁麼會有何交涉別  
作麼生會無祖  
師意底道理問如何是道師曰無異人心是又曰  
若人體得道無異人心始是道人若是言說則勿交  
涉道者汝知打底道人否十二時中除卻著衣喫飯  
無絲髮異於人心無誑人心此箇始是道人若道我

得我會則勿交涉大不容易問如何是祖師西來意  
師曰待石烏龜解語卽向汝道曰石烏龜語也師曰  
向汝道什麼問古人得箇什麼便休去師曰如賊入  
空室問無邊身菩薩爲什麼不見如來頂相師曰汝  
道如來還有頂相麼問大庾嶺頭提不起時如何師  
曰六祖爲什麼將得去問二鼠侵藤時如何師曰須  
有隱身處始得曰如何是隱身處師曰還見穰家麼  
問維摩掌擎世界未審維摩向什麼處立師曰道者  
汝道維摩掌擎世界問知有底人還有生死也無師  
曰恰似道者未悟時問如何是西來意師曰此一問

最苦報慈云此問祖意與教意同別師曰祖師在後  
一問最好來問祖師是無事沙門師曰若是沙門不得無事曰  
 爲什麼不得無事師曰覓一箇難得問蟾蜍無返照  
 之光玉兔無伴月之意時如何師曰堯舜之君猶有  
 化在東禪齊云是什麼是問訊與問如何得此身安  
 去師曰不被別身謾始得法眼別云師梁龍德三年  
 癸未八月示有微疾九月十三日夜半太星隕于方  
 丈前詰旦端坐而逝壽八十有九  
 京兆華嚴寺休靜禪師師曾在樂普作維那白槌普  
 請曰上間搬柴下間鋤地時第一座問聖僧作麼生

師曰當堂不正坐不赴兩頭機師在洞山時問曰學  
 人未見理路未免情識洞山曰汝還見理路也無曰  
 見無理路洞山曰什麼處得情識來曰學人實問洞  
 山曰恁麼須向萬里無寸草處立曰無寸草處還許  
 立也無洞山曰直須恁麼去搬柴次洞山把住柴問  
 狹路相逢時作麼生曰反仄何幸洞山曰汝記吾言  
 汝向南住有一千人若向北住即三二百而已師初  
 住福州東山之華嚴未幾屬後唐莊宗皇帝徵入輦  
 下大闡玄風其徒果三百矣問祖意與教意同別師  
 曰探盡龍宮藏衆義不能詮問大悟底人爲什麼卻

迷師曰破鏡不重照落華難上枝問大軍設天王齋  
求勝賊軍亦設天主齋求勝未審天主赴阿誰願師  
曰天垂雨露不揀榮枯一日車駕入寺燒香帝問曰  
這箇是什麼神師對曰護法善神帝曰沙汰時什麼  
處去來師曰天垂雨露不為榮枯師後遊河朔於平  
陽示滅茶毗獲舍利建四浮圖一晉州一房州三終  
南山逍遙園四終南山華嚴寺敕謚寶智大師無為  
之塔

京兆蜆子和尚不知何許人也事迹頗異居無定所  
自印心於洞山混俗於閩川不畜道具不循律儀常  
日沿江岸採掇蝦蜆以充腹暮即臥東山白馬廟紙  
錢中居民目為蜆子和尚華嚴靜師聞之欲決真假  
先潛入紙錢中深夜師歸靜把住問曰如何是祖師  
西來意師遽答曰神前酒臺盤靜奇之懺謝而退後  
靜師化行京都師亦至焉竟不聚徒演法惟佯狂而  
已

筠州九峯普滿大師問僧離什麼處曰闍中師曰遠  
涉不易曰不難動步便到師曰有不動步者麼僧曰  
有師曰爭得到此間僧無對師曰賺殺人問如何是  
和尚家風師曰卽今是什麼曰學人不會師曰十字

路上馬蘭華

台州幽棲道幽禪師鏡清問如何是少父師曰無標的曰無標的以為少父師曰有什麼過曰只如少父作麼生師曰道者是什麼心行問如何是佛師曰汝不信是衆生曰學人大信師曰若作勝解即受羣邪師將示滅有僧問曰和尚百年後向什麼處去師曰調然調然言訖坐亡

後洞山師虔禪師

第三世住也亦號青林和尚

初自夾山來參先

洞山价和尚問曰近離什麼處師曰武陵曰武陵法道何似此問師曰胡地冬抽筍价曰別甌炊香飯供

養於此人師乃出去洞山曰此子向後走殺天下人

在師在洞山栽松有劉翁者從師求偈師作偈曰

長長三尺餘

鬱鬱覆荒草

不知何代人

得見此松老

劉翁得偈呈于洞山洞山曰賀翁翁喜只此人是第

三世也師先住隨州土門小青林蘭若後果迴洞山

接踵凡有新到僧先令搬柴三轉然後參堂有一僧

不肯問曰三轉內即不問三轉外如何師曰鐵輪天

子寰中旨僧無對師便打令去僧問昔年疾苦又中

毒請師醫師曰金鏡撥破腦頂上灌醍醐曰恁麼即

謝師醫師便打問久負不逢時如何師曰古皇尺一寸問請師答話師曰修羅掌於日月師上堂謂眾曰祖師宗旨今日施行法令已彰復有何事時有僧問正法眼藏祖祖同印未審和尚傳付何人師曰靈苗生有地大悟不存師問如何是道師曰迴牛尋遠澗曰如何是道中人師曰擁雪首揚眉問千差路別如何頓曉師曰足下背驪珠空怨長天月

洛京白馬道儒禪師問如何是衲僧本分事師曰十道不通風啞子傳遠信曰傳什麼信師乃合掌頂戴問如何是密室中人師曰纔生不可得不貴未生時

曰是箇什麼不貴未生時師曰是汝阿爺問三千里外嚮白馬及乎到來為什麼不見師曰是汝不見干老僧什麼事曰請和尚指示師曰指即勿交涉問如何是學人本分事師曰昨夜三更日正午問如何是法身向上事師曰井底蝦蟇吞卻月僧問黃龍如何卻月黃龍云不奈何僧云恁麼即吞卻月吞却月吞龍云吞吞吞僧云吞後如何黃龍云好蝦蟇吞問如何是學人急切處師曰俊鳥猶嫌鈍警然早已遲問如何是西來意師曰點額猢猻探月波

越州乾峯和尚或云瑞峯問僧什麼處來曰天台師曰見說石橋作兩段是否曰和尚什麼處得這消息來師

曰將謂華頂峯前客元來平田莊裏入問如何得出  
三東師曰喚院主來趁出這僧著師問眾僧輪迴六  
趣具什麼眼眾無對問如何是超佛越祖之談師曰  
老僧問汝曰和尚且置師曰老僧一問尚自不會問  
什麼超佛越祖之談

吉州禾山和尚僧問學人欲申一問師還答否師曰  
禾山答汝了也問如何是西來意師曰禾山大頂問  
如何是和尚家風師曰滿自青山起白雲  
明州天童山咸啓禪師先住蘇州寶華山僧問如何是本無  
物師曰石潤無含玉鑛異自生金伏龍山和尚來師

問什麼處來曰伏龍來師曰還伏得龍麼曰不曾伏  
這畜生師曰喫茶去簡大德問學人卓卓上來請師  
的的師曰我這裏一箇便了有什麼卓卓的的曰和  
尚怎麼對話更買草鞋行腳好師曰近前來簡近前  
師曰只如老僧怎麼對過在什麼處簡無對師便打  
潭州寶蓋山和尚僧問一問無漏舍合是何人居師  
曰無名不掛體曰還有位也無師曰不處問如何是  
寶蓋師曰不從入夫得曰如何是寶蓋中人師曰不  
與時人知僧曰佛來時如何師曰覓他路不得問切  
切時為什麼不立人師曰歸亦蹋不著曰怎麼時如

何成立師曰不與時人知問世界壞時此箇何處去  
師曰千聖尋不得曰時人如何歸向師曰直須似去  
曰還有的也無師曰不立標則

益州北院通禪師在夾山時一日夾山上堂曰坐斷  
三人公不落第二見師出曰須知有一人不合伴夾  
山曰猶是第十二見師乃掀倒禪牀夾山曰老兒作麼  
生師曰待某甲舌頭爛即向和尚道異白師又問夾  
山曰目前無法意在目前不是目前法非耳自之所  
到豈不是和尚語夾山曰是師乃掀倒禪牀叉手立  
地夾山起來打一拄杖師便下去

法眼云是他掀倒禪牀何不便宜去須

待夾山打一棒去意在什麼處

師在洞山隨眾參請未契旨遂辭

洞山擬入嶺去洞山曰善為飛猿嶺峻好看師沉吟  
良久洞山曰通關黎師應諾洞山曰何不入嶺去師  
因此省悟更不入嶺師事於洞山時號鑽住後上堂  
示眾曰諸上座有什麼事出來論量取若是上上根  
機不假如斯若是中下之流直須團圓閉戶索索地  
莫教入泥水第一速疾省事應須無心若不無心舉  
得千般萬般只成知解與衲僧門下有什麼交涉僧  
問如何是無心師曰不管擊問一龍爭珠誰是得者  
師曰得即失曰不失如何師曰還我珠來問如何是

清淨法身師曰無點汙問轉不得時如何師曰功不  
到問如何是大富貴底人師曰如輪王寶藏曰如何  
是赤窮底人師曰如酒店腰帶問水灑不著時如何  
師曰乾剝剝地問一槌便成時如何師曰不是偶然  
示滅後救謚證真大師

高安白水木住禪師自洞山受記唐天復中遷止洪  
井高安白水院衆盈三百玄言流播因設洞山忌齋  
有僧問供養先師先師還來也無師曰更下一分供  
養著洪州西山衆行者來禮拜問曰今日不爲別事  
乞師指示師曰汝諸人求指示耶對曰是師曰教我

委付阿誰鏡清行脚到師謂之曰時寒道者清曰不  
敢師曰還有臥單得蓋否曰設有亦無展底功夫師  
曰直饒道者滴水滴凍亦不干他事曰滴水冰生事  
不相涉師曰是曰此人意作麼生師曰此人不落意  
曰不落意此人那師曰高山頂上無可與道者咄咄  
問如何是西來意師曰還見庭前杉樹否曰恁麼  
卽和尚今日因學人致得是非師曰多口座主皎然  
去後師知是雪峯禪客乃曰盜法之人終不成器  
後住長生山有僧問從上宗乘如何舉唱然曰不可  
爲閣黎一人荒僻長生山也玄沙聞之曰然師兄佛  
法卽大行受記之緣亦就矣厥  
後衆緣不備果如仁和尚所記僧問如何是不遷義



師曰落華隨流水明月上孤岑師將順世四眾俱集  
營齋聲鐘焚香白眾曰香煙絕處是吾涅槃時也言  
訖跏趺而坐息隨煙滅

撫州踈山光仁禪師身相短陋精辯冠眾洞山門下  
時有齧齧之機激揚玄奧咸以仁爲能詮量者諸方  
三昧可以詢乎姓師叔僧問如何是諸佛師師曰何  
不問踈山老漢僧無對師手握木蛇有僧問手中是  
什麼師提起曰曹家女問如何是和尚家風師曰尺  
五頭巾曰如何是尺五頭巾師曰圓中取不得師舉  
香巖語問鏡清肯重不得全付道者作麼生會德曰

全歸肯重師曰不得全肯者作麼生德曰箇中無肯  
路師曰始慙病僧意因鼓山舉威音王佛師師乃問  
作麼生是威音王佛師鼓山曰莫無慚愧好師曰闍  
黎怎麼道卽得若約病僧卽不然曰作麼生是威音  
王佛師師曰不坐無貴位洞山第四世問如何是一句  
師曰不道曰爲什麼不道師曰少時輩問怎麼時如  
何師曰將軍不上便橋金牙徒勞拈苦問如何是直  
指師曰珠中有水君不信擬向天邊問太陽冬至夜  
上堂有僧問如何是冬來意師曰京中出大黃問和  
尚百年後向什麼處去師曰背底芒叢四腳指天師

遷化時有偈曰

我路碧空外

白雲無處閑

世有無根樹

黃葉風送還

偈終而逝又著四大等頌略華嚴長者論流傳於世  
澧州欽山文邃禪師福州人也少依杭州大慈山寰  
中禪師受業時巖頭雲峯在眾覩師吐論知是法器  
相率遊方一士緣契德山各承印記師雖屢激揚而  
終然凝滯一日問德山曰天皇也恁麼道龍潭也恁  
麼道未審德山作麼生道德山曰汝試舉天皇龍潭  
道底來師方欲進語德山以拄杖打鼻入涅槃堂師

曰是卽是打我大殺

法眼別云是卽是錯打我更師有語自如德山巖頭章出焉

後於洞山言下發解乃爲洞山之嗣年二十七止于  
欽山對大衆前自省過舉初參洞山時洞山問什麼  
處來師曰大慈來曰還見大慈麼師曰見曰色前見  
色後見師曰非前後見洞山默置師乃曰離師太早  
不盡師意問如何是祖師西來意師曰梁公曲尺誌  
公剪刀問一切諸佛法皆從此經出如何是此經師  
曰常轉曰未審經中說什麼師曰有疑請問問如何  
是和尚家風師曰錦帳銀香囊風吹滿路香有僧寫  
師真呈師問還似我也無僧無對師自代曰衆僧看

取一白師入浴院見僧蹋水輪僧見師乃下不審師  
曰幸自碌碌地轉何須卻恁麼僧云不恁麼又爭得  
師曰若恁麼欽山眼堪作什麼也僧云作麼生是師  
眼師乃以手作撥眉勢僧云和尚又得恁麼師曰是  
是爲我恁麼便不得恁麼僧無對師曰索戰無功一  
場氣悶良久乃問僧云會麼僧云不會師云欽山爲  
汝擔一半師與雪峯巖頭因過江西到一茶店內喫  
茶次師曰不會轉身通氣者今日不得茶喫巖頭云  
若恁麼我定不得茶喫也雪峯云某甲亦然師曰兩  
箇老漢俱不識語在巖頭云什麼處去也師曰布袋

裏老鴉雖活如死巖頭云退後著退後著師曰豁兒  
且置存公作麼生雪峯以手畫箇圓相師曰不得不  
問巖頭呵呵云太遠生師曰有口不得喫茶人多巖  
頭雪峯俱無語有良禪客參次纔禮拜後便問云一  
箭射三關時如何師曰放出關中主看良云恁麼卽  
知過必改去也師云更待何時良云好隻箭放不著  
所在便出去師曰擬射三關且從試爲欽山發箭良  
近前良久而退師乃打良七挂杖良乃出去師曰且  
聽箇亂統漢心內疑三十年有人舉似同安和尚安  
云良公雖發箭要且未中的其僧便問同安云未審

如何得中的去。安云關中主是什麼人。其僧卻迴舉。向師師曰良公若解恁麼也。免得欽山口也。然雖如此。同安不是好心。亦須看始得。僧參師。豎起拳頭云。若開成掌。卽五指參差。如今爲拳。必無高下。汝道欽山通商量。不通商量。其僧近前。卻豎拳而已。師曰。便恁麼。只是箇無開口漢。僧云。未審和尚如何接人。師曰。我若接人。共汝一般去也。僧云。特參於師也。須吐露宗風。師曰。汝若特來。我須吐露。僧云。便請師乃打之。其僧無語。師曰。守株待兔。枉用心神。

前巖頭全豁禪師法嗣

行思禪師第六世

台州瑞巖師禪師閩越人也。姓許氏。自幼披緇。乘戒無缺。初禮巖頭。致問曰。如何是本常理。巖頭曰。動也。曰。動時如何。巖頭曰。不是本常理。師沉思良久。巖頭曰。肯卽未脫根塵。不肯卽永沉生死。師遂領悟。身心皎然。巖頭頻召與語。徵酬無忒。師復謁夾山。會和尚會問什麼處來。曰。臥龍來。會曰。來時龍還起未。師乃顧視之。會曰。灸瘡上更著艾焦。曰。和尚又苦如此。作什麼會。便休。師尋抵丹丘。終日如愚。四衆欽慕。請住瑞巖。統衆嚴整。江表稱之。僧問頭上寶蓋。現足下雲生時如何。師曰。披枷帶鎖。漢曰。頭上無寶蓋。足下

無雲生時如何師曰猶有杓在曰畢竟如何師曰齋  
後困鏡清問天不能覆地不能載豈不是師曰若是  
即被覆載清曰若不是瑞巖幾遭也師自稱曰師  
問如何是佛師曰石牛曰如何是法師曰石牛兒曰  
恁麼即不同也師曰合不得曰爲什麼合不得師曰  
無同可同合什麼問作麼商量即得不落階級師  
曰排不出曰爲什麼排不出師曰他從前無階級曰  
未審居何位次師曰不坐普光殿曰還理化也無師  
曰名聞三界重何處不歸朝一日有村媪來作禮師  
曰汝疾歸去救取數千物命媪恩忙至舍乃見兒婦

提竹器拾田螺歸媪接取放諸水濱師之異迹頗多  
存諸別錄

懷州玄泉禪師僧問如何是道中人師曰日落投  
孤店問如何是佛師曰張家三箇兒曰學人不會師  
曰孟仲季便不會問如何是聲前一句師曰咩曰轉  
後如何師曰是什麼

吉州靈巖慧宗禪師福州長谿人也姓陳氏受業於  
龜山僧問如何是靈巖境師曰松檜森森密密遮曰  
如何是境中人師曰夜夜有猿啼問如何是學人自  
已本分事師曰拋卻真金拾瓦礫作麼師後住禾山

而終

福州羅山道開禪師郡之長谿人也姓陳氏出家於龜山年滿受具徧歷諸方嘗謁石霜問去住不寧時如何石霜曰直須盡卻師不愜意乃參巖頭問同前語巖頭曰從他去住管他作麼師於是服膺尋遊清涼山聞師飲其法味請居羅山號法寶大師初上堂日方陞座歛衣乃曰珍重少頃又曰未識底近前來時有僧出禮拜師抗聲曰也大苦僧起擬伸問師乃喝出問如何是奇特一句師曰道什麼問佛放眉間白毫光照萬八千世界如何是光師曰高聲道僧曰

照何世界師乃喝出問急急相投請師一接師曰會麼曰不會師曰箭過也問九女不攜誰是哀提者師曰高聲問僧擬再問師曰什麼處去也問如何是宗門流布師展足示之問當鋒事如何辨明師舉如意僧曰乞和尚垂慈師曰大遠也問如何是最妙一句師曰披露識麼僧擬進語師曰話墮也定慧上座參師問什麼處來曰遠離西蜀近發開元又進前問卽今作麼生師曰喫茶去慧猶未退師曰秋氣稍暖去慧出法堂外歎曰今日擬打羅山寨弓折箭盡也休休乃下參衆明日師上堂慧出問豁開戶牖當軒者

誰師乃喝慧無語師又曰毛羽未備且去僧舉寒山詩問師曰百鳥銜苦華時如何師曰貞女室中吟曰千里作一息時如何師曰送客遊庭外曰欲往蓬萊山時如何師曰欹枕觀獼猴曰將此克糧食時如何師曰古劍觸骸前問如何是百草頭上盡是祖師意師曰刺破汝眼問聲前古堯爛意作麼生師曰倚著壁問前是萬丈洪崖後是屠狼師子正當恁麼時如何師曰自在問三界誰為主師曰還解喫飯麼師臨遷化上堂集眾良久展左手主事因測乃令東邊師僧退後又展右手又令西邊師僧退後師謂眾曰欲

報佛恩無過流通大教歸去也歸去也珍重言訖莞爾而寂

福州香谿從範禪師僧到參師曰汝豈不是鼓山僧對曰是師曰額上珠為何不見無對僧辭師問送召曰上座僧迴首師曰滿肚是禪曰和尚是什麼心行師大笑而已師因僧披衲衣示偈曰

迦葉上名衣  
密露不藏龜

披來須捷機

纔分招的箭

福州羅源聖壽巖和尚有僧自泉州迴來參師補衲次提起示之曰山僧一衲衣展似眾人見雲水請兩

條莫教露針線快道僧無對師曰如許多時在彼作什麼

前洪州感潭資國和尚法嗣

安州白兆山竺乾院志圓號顯教大師僧問諸佛心印什麼人傳得師曰達磨大師曰達磨爭能傳得師曰汝道什麼人傳得問如何是直截一路師曰截問如何是佛法大意師曰苦問如何是道師曰普問如何是學人自己師曰失問如何是得無山河大地去師曰不起見玄則問如何是佛師曰丙丁童子來求火則師後參法眼方明問如何是畢鉢羅窟迦葉道厥旨住金陵報恩院

場中人師曰釋迦牟尼佛問如何是朱頂王菩薩師曰問那箇赤頭漢作麼

前濠州思明和尚法嗣問汝何異西來意襄州鷲嶺善本禪師因入浴室有僧問和尚是離垢底人為什麼卻浴師曰定水湛然滿浴此無垢人問祖意教意是同是別師曰鷲嶺峯上青草森天鹿野苑中狐兔交橫

前潭州大光山居誨禪師法嗣

潭州谷山有緣禪師僧問伶俜之子如何歸向師曰會人路不通曰恁麼即無奉重處也師曰我道你鉢



孟落地拈不起問一撥便轉時如何師曰野馬走時  
鞭轡斷石人撫掌笑呵呵

潭州龍興和尚僧問一撥便轉時如何師曰根不利  
問得座披衣時如何師曰不端嚴曰爲什麼不端嚴  
師曰不從證得問如何是道中人師曰終日寂攢眉  
潭州伏龍山和尚第一世住僧問攬長河爲酥酪變大地  
爲黃金時如何師曰臂長衫袖短問隨緣認果如何  
是果師曰雪內牡丹華問如何是祖師西來意師曰  
你得恁麼不識痛痒

京兆白雲善藏禪師僧問如何是深深處師曰矮子

渡深溪問赤腳時如何師曰何不脫卻問如何是法  
法不生師曰萬水千山

潭州伏龍山和尚第二世住僧問隨緣認得時如何師曰  
汝道興國門樓高多少問子不譚父德時如何師曰  
低聲低聲

陝府龍峻山和尚僧問如何是龍峻山師曰佛眼看  
不見曰如何是山中人師曰作麼問如何是不知善  
惡底人師曰千聖近不得曰此人還知有向上事也  
無師曰不知曰爲什麼不知師曰不識善惡說什麼  
向上事曰如何師曰不見道狂俗問如何是佛向上

人師曰不戴容問凡有展拓盡落今時不展拓時如何師曰不展不展曰畢竟如何師曰不拓不拓潭州伏龍山和尚第三世問行盡千山路玄機事若何師曰鳥道不曾棲

前筠州九峯道虔禪師法嗣

新羅清院和尚問奔馬爭球誰是得者師曰誰是不得者曰怎麼即不爭是也師曰直得不爭亦有過在曰如何免得此過師曰要且不曾失曰不失處如何鍛鍊師曰兩手捧不起

洪州泐潭寶峯神黨禪師僧問四威儀中如何辨主

師曰正遇寶峯不脫鞋問如何是佛法大意師曰虛空駕鐵船嶽頂浪滔天

吉州南源山行修號慧觀禪師亦云光睦和尚僧問如何是南源境致師曰幾處峯巒猿鳥嘯一帶平川遊子迷問如何是南源深深處師曰眾人皆見曰恁麼即淺去也師曰也是兩頭遙

洪州泐潭明禪師一日下到客位眾請師歸方丈師曰道得即去時牟和尚對曰大衆請師乃上法堂問非思量處識情難測時如何師曰我不欲違古人曰不違古人意作麼生師曰也合消得禮土拜僧問確

擣磨磨不得忘卻此意如何師曰虎口裏活雀兒問  
如何是道者師曰毛毵毵曰如何是道者家風師曰  
佛殿前逢尊者問如何是和尚終日事師曰鉢盂裏  
無折箸曰如何是沙門終日事師曰轟轟不借萬人  
機

吉州秋山和尚僧問如何是祖師西來意師曰杉樹  
子

洪州泐潭延茂禪師僧問如何是古佛心師曰終不  
道土木瓦礫是問曰落日西山去林中事若何師曰庭  
前紅華秀室內不知春

洪州鳳棲山同安院常察禪師僧問如何是鳳棲家  
風師曰鳳棲無家風曰既是鳳棲爲什麼卻無家風  
師曰不迎賓不待客曰怎麼卽四海參尋當爲何事  
師曰盤飪自有苟人施問如何是鳳棲境師曰千峯  
連嶽秀萬嶂不知春曰如何是境中人師曰孤巖倚  
石坐不下白雲心

洪州泐潭匡悟禪師第四世住僧問如何是直截一路師  
曰恰好消息曰還通向上事也無師曰魚從下過問  
如何是閉門造車師曰活計一物無曰如何是出門  
合轍師曰坐地進長安問香煙馥郁大張法筵從上

宗乘如何舉唱師曰莫錯舉似人曰恁麼卽總應如是師曰還是沒交涉問六葉芬芳師傳何葉師曰六葉不相續華開果不成曰豈無今日事師曰若是今日卽有曰今日事如何師曰葉葉連枝秀華開處處芳

吉州禾山無殷禪師者福州人也姓吳氏七歲依雪峯眞覺大師出家年滿受戒遊方抵筠陽謁九峯峯許入室一日謂之曰汝遠遠而來暉暉隨衆見何境界而可修行由何徑路而能出離師對曰重昏廊闢盲者自盲峯初未許師於是發明厥旨頓忘知見先

受請止吉州禾山大智院學徒濟濟嘗述垂誡十篇諸方歎伏咸謂禾山可以爲叢林表則時江南李氏召而問曰和尚何處來師曰禾山來曰山在什麼處師曰人來朝鳳闕山嶽不曾移國王重之命居揚州祥光院復乞入山以翠巖院乃江西之勝槩遂棲心焉時上藍院復虛其室命師來往闡化號澄源禪師僧問學人乍入叢林乞師指示師曰於汝不惜問仰山插歛意作麼生師曰汝問我曰玄沙蹋倒歛意作麼生師曰我問汝問未辨眞宗如何體悉師曰頭大尾尖問咫尺之間爲什麼不覩師顏師曰且與闍黎

景德寺金錄卷之二  
三十四

道一半曰爲什麼不全道師曰盡法無民曰不怕無  
民請師盡法師曰爲知己喪身曰爲什麼卻喪身師  
曰好心無好報問尊者撥眉擊目視育王時如何師  
曰卽今也恁麼曰學人如何領會師曰莫非摩利支  
山問摩尼寶殿有四角一角常露如何是露底角師  
舉手曰汝打我卻問汝還會麼曰不會師曰汝爭解  
打得我問如何是西來意師曰撲破著問已在紅燄  
請師烹鍊師曰槌下成器曰恁麼卽烹鍊去也師曰  
池州和尚問四壁打禾中行刻草和尚赴阿那頭師  
曰什麼處不赴曰恁麼卽同於衆去也師曰小師弟

子師建隆元年庚申二月示有微疾三月二日令侍  
者啓方文集大衆告辭曰後來學者未識禾山卽今  
識取珍重先是大衆爲立生藏本國諡法性禪師塔  
曰妙相

洪州泐潭牟和尚問如何是學人著力處師曰正是  
著力問古人卷席意如何師曰珍重便下堂

前台州涌泉景欣禪師法嗣

台州大通院紹禪師初參涌泉和尚入室領旨一日  
燒畚歸院泉問去甚處來師曰燒畚來泉曰火後事  
作麼生紹曰鐵蛇鑽不入泉許之後居大通院玄侶

依附僧問不出咽喉唇吻事如何師曰待汝一鏤斷  
斷巾子山我亦不向汝道問南山有一毒龍如何近  
得師曰非徂闍黎千聖亦近不得人問承聞南方有  
一劍話如何是一劍師曰不當鋒曰頭落又作麼生  
師曰我道不當鋒有什麼頭其人禮謝而去師休夏  
入天台山華頂峯晦迹莫知所終

前潭州雲蓋山志元禪師法嗣

潭州雲蓋山志罕禪師僧問如何是嶽頂浪滔天師  
曰文殊正作鬧曰正作鬧時如何師曰不向機前展  
大悲

新羅臥龍和尚問如何是大人相師曰紫羅帳裏不  
垂手曰爲什麼不垂手師曰不尊貴問十二時中如  
何用心師曰猢猻喫毛蟲

彭州天台和尚先住天台問古佛向什麼處去師曰中央

甲第高歲歲出靈苗問古鏡未磨時如何師曰不施  
坊曰磨後如何師曰不照燭

前潭州谷山藏禪師法嗣

新羅瑞巖和尚問黑白兩仁開佛眼時如何師曰恐  
你守內問如何是誕生王子師曰深宮引不出  
新羅泊嚴和尚問如何是禪師曰古冢不爲家問如

何是道師曰徒勞車馬迹問如何是教師曰貝葉收不盡

新羅大嶺和尚僧問只到潼關便卻休時如何師曰只是途中活計曰其中活計如何師曰體即得當即不得曰體得為什麼當不得師曰體是什麼人分上事曰其中事如何師曰不作尊貴

前潭州中雲蓋和尚法嗣

潭州雲蓋山景和尚號證覺禪師僧問國土晏清功歸何處師曰銀臺門下不賀曰轉為無功時如何師曰王家事可然

景德傳燈錄卷第十七

音釋

覘 <small>音顯</small>	倭 <small>鳥禾切</small>	汭 <small>而稅切</small>	醜 <small>普木切</small>	鞞 <small>蘇合切</small>	泝 <small>也</small>
桑故切逆也	國名	而稅切	白醜也	鞋草履也	也
流而上也	稔 <small>如甚切</small>	蟾 <small>蟾視占切</small>	蟾 <small>蟾視占切</small>	常如	鏡 <small>迷邊</small>
切掠也	鐵 <small>古猛切</small>	啗 <small>徒感切</small>	杉 <small>杉所咸切</small>	木	
器也	鏹 <small>昨禾切</small>	也	女	莞 <small>小笑貌</small>	矮
名	矮 <small>昨禾切</small>	苦 <small>古活切</small>	媪 <small>烏老切</small>	也	
於駭切	犴 <small>寒岸二音</small>	胡	赤 <small>余玉切</small>	獸如	拓 <small>他各切</small>
短也	地 <small>野大也</small>	裕	赤 <small>余玉切</small>	尾	如
春也	者 <small>毛長貌</small>	飮 <small>丁定切</small>	食也	一	暉 <small>胡本切</small>
斫也					困視貌

丹陽居士賀學禮施貲刻此  
景德傳燈錄卷十七計字一萬三千六百五十  
該銀七兩一錢一分  
安城沙門可震對長洲徐普書上元咎現刻  
萬曆丙午年季夏月徑山寂照庵識

景德傳燈錄卷第十八

宋沙門道原纂

吉州青原山行思禪師第六世

福州雪峯義存禪師法嗣一十四人見錄

福州玄沙師備禪師 福州長慶慧稜禪師

福州大普山玄通禪師 杭州龍冊寺道忞禪師

福州長生山皎然禪師 信州鷲湖山智孚禪師

漳州報恩懷岳禪師 福州鼓山神晏國師

杭州西興化度師郁禪師

漳州隆壽紹卿禪師 福州僊宗行瑫禪師



福州蓮華山永福從弁禪師

杭州龍華寺靈照禪師 明州翠巖令象禪師

吉州青原山淨慧禪師  
宋心門直心系  
對新野益社卷第十八

福州雪峯義存禪師法嗣

福州玄沙宗一大師法名師備福州閩縣人也姓謝氏幼好垂釣泛小艇於南臺江狎諸漁者唐咸通初年甫二十忽慕出塵乃棄釣舟投芙蓉山靈訓禪師落髮往豫章開元寺道玄律師受具布衲芒屨食纔接氣常終日冥坐衆皆異之與雪峯義存本法門昆仲而親近若師資雪峯以其苦行呼為頭陀一日事峯問曰阿那箇是備頭陀對曰終不敢誑於人異日雪峯召曰備頭陀何不徧參去師曰達磨不來東土二祖不往西天雪峯然之暨登象骨山乃與師同力

締構玄徒臻萃師入室咨決罔替晨昏又閱楞嚴經發明心地由是應機敏捷與修多羅冥契諸方玄學有所未決必從之請益至若與雪峯和尚徵詰亦當仁不讓雪峯曰備頭陀其再來人也一日雪峯上堂曰要會此事猶如古鏡當臺胡來胡現漢來漢現師曰忽遇明鏡破時如何雪峯曰胡漢俱隱師曰老和尚腳跟猶未點地師上堂時久大衆盡謂不說法一時各歸師乃呵云看總是一樣底無一箇有智慧但見我開遮兩片皮盡來簇著覓語言意度是我真實爲他卻總不知看怎麼大難大難師有時云諸禪德

汝諸人盡巡方行腳來稱我參禪學道爲有奇特去處爲當只怎麼東問西問若有試通來我爲汝證明是非我盡識得還有麼若無當知只是趁讚是汝既到遮裏來我今問汝汝諸人還有眼麼若有即今便合識得還識得麼若不識便被我喚作生盲生聾底人還是麼肯怎麼道麼禪德亦莫自屈是汝真實何曾是什麼人十方諸佛把汝向頂上著不敢錯誤者一分子只道此事唯我能知會麼如今相紹繼盡道承他釋迦我道釋迦與我同參汝道參阿誰會麼大不容易知莫非大悟始解得知若是限劑所悟亦莫

能講汝還識大悟麼不可是汝向觸體前認他鑒照  
不可是汝說空說無說遮邊那邊有世間法有一箇  
不是世間法和尚于虛空猶從迷妄幻生如今若是  
大肯去何處有遮箇稱說尚無虛空消息何處有三  
界業次父母緣生與汝椿立前後如今道無尚是誑  
語豈況是有知麼是汝多時行腳和尚于稱道有覺  
悟底事我今問汝只知巔山巖崖迥絕入處還有佛  
法麼還裁辨得麼若辨不得卒未在我尋常道二僧  
面前正是觸自菩提萬里神光頂後相若人觀得不  
妨出得陰界脫汝觸體前意想都來只是汝真實人

體何處更別有一法解蓋覆汝知麼還信得麼解承  
當得麼大須努力師又云我今問汝諸人且承得箇  
什麼事在何世界安身立命還辨得麼若辨不得恰  
似捏自生華見事便差知麼如今現前見有山河大  
地色空明暗種種諸物皆是狂勞華相喚作顛倒知  
見夫出家人識心達本故號沙門汝今既已剃髮披  
衣爲沙門相卽合有自利利他分如今看著盡黑漫  
漫地如黑汁相似自救尚不得爭解爲得他人仁者  
佛法因緣事大莫作等閑相聚頭亂說雜話趁讚過  
時光陰難得可惜許大丈夫兒何不自省察看是什

麼事只如從上宗風是諸佛頂族汝既承當不得所以我方便勸汝但從迦葉門接續頓超去此一門超汝凡聖因果超他毗盧妙莊嚴世界海超他釋迦方便門直下永劫不教有一物與汝作眼見何不急急究取未必道我且待三生兩生久積淨業仁者汝宗乘是什麼事不可由汝身心用工莊嚴便得去不可他心宿命便得去會麼只如釋迦出頭來作如許多變弄說十二分教如瓶灌冰大作一場佛事向汝此門中用一點不得用一毛頭伎倆不得知麼如同夢事亦如竊語沙門不應得出頭來蓋為識得知麼識

得卽是大出脫大出頭所以道超凡越聖出生離死離因離果超毗盧越釋迦不被凡聖因果所謾一切處無人識得汝知麼莫只長戀生死愛網被善惡業拘將去無自由分饒汝鍊得身心同空去饒汝得到精明湛不搖處不出他識陰古人喚作如急流水流急不覺妄為澹淨恁麼修行盡不出他輪迴際依前被輪轉去所以道諸行無常直是三乘功果如是可畏若無道眼亦不為究竟何如從今白博地凡夫不用一毫功夫便頓超去解省心力麼還願樂麼勸汝我如今立地待汝覲去不用汝加功鍊行如今不恁

麼更待何時還肯麼還肯麼師有時上堂謂眾曰是汝真實如是又有時云達磨如今現在汝諸人還見麼師云是諸人見有險惡見有大蟲刀劍諸事逼汝身命便生無限怕怖如似什麼恰如世間畫師一般自畫作地獄變相作太蟲刀劍了好好地看了卻自生怕怖汝今諸人亦復如是百般見有是汝自幻出自生怕怖亦不是別人與汝爲過汝今欲覺此幻惑麼但識取汝金剛眼睛若識得不曾教汝有纖塵可得露現何處更有虎狼刀劍解憎嚇得汝直至釋迦如是伎倆亦覓出頭處不得所以我向汝道沙門眼

把定世界函蓋乾坤不漏絲髮何處更有一物爲汝知見知麼如是出脫如是奇特何不究取師云汝諸人如似在大海裏坐沒頭水浸卻了更展手問人乞水喫還會麼夫學般若菩薩是大根器有大智慧始得若有智慧卽今便得出脫若是根機遲鈍直須勤苦志耐日夜忘疲失食如喪考妣相似恁麼急切盡一生去更得人荷拔剋骨究竟不妨亦得覲去且況如今誰是堪任受學底人仁者莫只是記言記語恰似念陀羅尼相似蹋步向前來口裏哆哆唧唧地被

人把住詰問著沒去處便瞋道和尚不爲我答話恁

麼學事大苦知麼有一般坐繩牀和尚稱為善知識  
問著便動身動手點眼吐舌瞪視更有一般便說昭  
昭靈靈靈靈臺智性能見能聞向五蘊身由裏作主宰  
恁麼為善知識大賺人知麼我今問汝汝若認昭昭  
靈靈是汝真實為什麼瞌睡時又不成昭昭靈靈若  
瞌睡時不是為什麼有昭昭時汝還會麼遮箇喚作  
認賊為子是生死根本妄想緣氣汝欲識此根由麼  
我向汝道汝昭昭靈靈只因前塵色聲香等法而有  
分別便道此是昭昭靈靈若無前塵汝此昭昭靈靈  
同於龜毛兔肉仁者真實在什麼處汝今欲得出他

五蘊身由主宰但識取汝秘密金剛體古人向汝道  
圓成正徧徧周沙界我今少分為汝智者可以譬喻  
得解汝見此南閻浮提日麼世間人所作興營養身  
活命種種心行作業莫非承他日光成立只如日體  
還有多般及心行麼還有不周徧處麼欲識此金剛  
體亦如是只如今山河大地十方國土色空明暗及  
汝身心莫非盡承汝圓成威光所現直是天人羣生  
類所作業次受生果報有性無情莫非承汝威光乃  
至諸佛成道成果接物利生莫非盡承汝威光只如  
金剛體還有凡夫諸佛麼有汝心行麼不可道無便

得當去也。知麼？汝既有如是奇特當陽出身處，何不發明取便，隨他向五蘊身中，鬼趣裏作活計。直下自謾卻去，忽然無常殺鬼到來，眼自講張身見命見，恁麼時大難支荷。如生脫龜筒相似，大苦仁者莫把瞌睡見解，便當卻去。未解蓋覆得毛頭許，汝還知麼？三界無安，猶如火宅。且汝未是得安樂底人，只大作羣隊，干他人世，遮邊那邊飛走。野鹿相似，但知求衣為食。若恁麼爭行他王道，知麼？國主大臣不拘汝父母，放汝出家，十方施主供汝衣食。土地龍神護汝，也須具慚愧知恩，始得莫孤負人好。長連牀上，排行著。

地銷將去道，是安樂。未在此皆是粥飯，將養得汝爛冬瓜相似，變將去。土裏埋將去，業識茫茫，無本可據。沙門因什麼到恁麼地？只如大地上，蠢蠢者我喚作地獄劫住。如今若不了，明朝後日看變入驢胎馬肚裏，牽犁拽耙，銜鐵負鞍，確擣磨磨。水火裏燒煮去，大不容易受。大須恐懼，好是汝自累。知麼？若是了去，直下永劫不曾教汝有遮箇消息。若不了此煩惱惡業，因緣未是一劫兩劫得休。直與汝金剛齊壽，知麼？南際長老到雲峯峯，令訪于師。師問曰：古人道此事，唯我能知。長老作麼生？南際曰：須知有不求知者。歸宗柔別拈掌

三師曰山頭和尚喫許多辛苦作麼雪峯因普請畚  
田見一蛇以杖挑起召衆曰看看以刀變爲兩段師  
以杖拋於背後更不顧視衆愕然雪峯曰俊哉師一  
日隨待雪峯遊山雪峯指一片地曰此處造得一所  
無縫塔師曰高多少雪峯乃顧視上下師曰人天依  
報只不如和尚若是靈山受記大遠在雪峯曰世界  
闊一尺古鏡闊一尺世界闊一丈古鏡闊一丈師指  
火爐曰火爐闊多少雪峯曰如古鏡闊師曰老和尚  
腳跟未點地師初受請住梅谿場普應院中間遷止  
玄沙山自是天下叢林海衆皆望風而賓之閩帥王

公請演無上乘待以師禮學徒餘八百室戶不閉師  
上堂良久謂衆曰我爲汝得徹困也還會麼僧問寂  
寂無言時如何師曰寤語作麼曰本分事請師道師  
曰瞌睡作麼曰學人卽瞌睡和尚如何師曰爭得恁  
麼不識痛痒又曰可惜如許大師僧千里萬里行腳  
到遮裏不消箇瞌睡寤語便屈卻去問如何是學人  
自己師曰用自己作麼僧問從上宗門中事師此間  
如何言論師曰少人聽僧曰請和尚直道師曰惠聾  
作麼又曰仁者如今事不獲已教我抑下如是威光  
苦口相勸百千方便道如此如彼共汝相知聞盡成



顛倒知見將此咽喉唇吻只成得箇野狐精業謾汝  
我還肯麼只如有過無過唯我自知汝爭得會若是  
恁麼人出頭來甘伏呵責夫爲人師匠大不易須是  
善知識始得知我如今恁麼方便助汝猶尚不能觀  
得可中純舉宗乘是汝向什麼處安措還會麼四十  
九年是方便只如靈山會上有百萬衆唯有迦葉一  
人親聞餘盡不聞汝道迦葉親聞底事作麼生不可  
道如來無說說迦葉不聞聞便當得去不可是汝修  
因成果福智莊嚴底事知麼且如道吾有正法眼付  
囑大迦葉我道猶如話月曹谿豎拂子還如指月所

以道大唐國內宗乘中事未曾見有一人舉唱設有  
入舉唱盡大地人失卻性命如無孔鐵槌相似一時  
云鋒結舌去汝諸人賴遇我不惜身命共汝顛倒知  
見隨汝狂意方有申問處我若不共汝恁麼知聞去  
汝向什麼處得見我會麼大難努力珍重乃有偈曰  
萬里神光頂後相 沒頂之時何處望  
事已成 意亦休 此箇來蹤觸處周  
智者撩著便提取 莫待須臾失卻頭  
又偈曰

玄沙遊徑別時人切須知 三夕陽氣盛

六月降霜時

有語非關舌

無言切要詞

會我最後句

出世少人知

問四威儀外如何奉主師曰汝是王法罪人爭會問  
 事問古人拈槌豎拂還當宗乘中事也無師曰不當  
 曰古人意作麼生師舉拂子僧曰宗乘中事如何師  
 曰待汝悟始得問如何是金剛力士師乃吹之文桶  
 蹶下山師問桶頭下山幾時歸曰三五日師曰歸時  
 有無底桶子將一擔歸文無對歸宗柔代云和尚用作什麼師有  
 時垂語曰諸方老宿盡道接物利生且問汝只如盲  
 聾瘡三種病人汝作麼生接若拈槌豎拂他眼且不

見其他說話耳又不聞口復瘡若接不得佛法盡無

靈驗時有僧出曰三種病人和尚還許入商量否師

曰許汝作麼生商量其僧珍重出師曰不是不是眼法

云我當時見羅漢和尚舉此僧語我便會三種病人  
 雲居錫云只如此僧會不會若道會玄沙又道不是  
 若道不會法眼為什麼道我因此僧語便會  
 三種病人上座無事上來商量大家要知羅漢云

桂琛見有眼耳和尚作麼生接師答云三種病人即

今在什麼處又一僧云非惟謾他兼亦自謾長慶稜

來師問除卻藥忠作麼生道稜曰慙作麼師曰雪峯

山椽子拾食來遮裏雀兒放糞師見僧來禮拜乃曰

禮拜著因我得禮拜汝一日普請往海坑斫柴見一

虎僧曰和尚虎師曰是汝虎歸院後僧問適來見虎  
 云是汝未審尊意如何師曰娑婆世界有四重障若  
 人透得許汝出陰界東禪齊云上座古人見了道我  
 身心如大地虛空如今人還透  
 麼師問長生然和尚維摩觀佛前際不來後際不去  
 今則無性汝作麼生觀對曰放皎然過有商量師曰  
 放汝過作麼生長生良久師曰教阿誰委曰徒勞側  
 耳師曰情知汝向山鬼窟裏作活計崇壽稠別長生  
 云喚什麼作如  
 來僧問師學人爲什麼道不得師曰畝塞汝口爭解  
 道得法眼云古人怎麼道甚奇  
 特且問上座口是什麼問凡有言句盡落圈  
 積不落圈積請和尚商量師曰拘折秤衡來與汝商

量問古人瞬視接人和尚如何接人師曰我不瞬視  
 接人僧問是什麼得怎麼難見師曰只爲太近法眼  
 云也  
 無可得近直下是上座師在雪峯時光侍者謂師曰師叔若學  
 得禪某甲打鐵船下海去師住後問曰光侍者打得  
 鐵船也未光無對法眼代云和尚終不怎麼法燈代  
 云請和尚下船玄覺代云貧兒思  
 債師一日遣僧送書上雪峯和尚雪峯開紙唯白紙  
 三幅問僧會麼曰不會峯曰不見道君子千里同風  
 其僧迴舉似於師師曰遮老和尚蹉過也東禪  
 齊云  
 什麼處蹉過若師蹉過師豈不會弟子意若不  
 齊云怎麼會只知玄沙意作麼生若會便參取玄沙師問  
 鏡清教中道菩薩摩訶薩不見一法爲太過失且道

不見什麼法鏡清指露柱云莫是不見遮箇法麼顯別云也知和尙不造次師曰淙中清水白米從汝喫佛法未會在玄覺云且道玄沙無麼道意在什麼處不見僧問見一法好言語上座一宿覺云不見一法即如來左得一名為觀自在普賢菩薩又云不見一法為太過失是一箇是兩箇試斷着僧問承和尚有言盡十方世界是一顆明珠學人如何得會師曰盡十方世界是一顆明珠用會作麼師來曰卻問其僧盡十方世界是一顆明珠汝作麼生會對曰盡十方世界是一顆明珠用會作麼師曰知汝向山鬼窟裏作活計玄覺云一般恁麼道為什麼卻問如何是無縫塔師曰遮一縫大小玄覺云

道恁麼來何處得無韋監軍來謁舉曹山和尚甚奇逢還會得著不著怪師乃問撫州取曹山多少韋指徇僧云上座曾到曹山否曰曾到韋曰撫州取曹山多少曰五百二十里韋曰恁麼即上座不曾到曹山韋卻起禮拜師曰監軍卻須禮此僧此僧卻具慙愧雲居錫云什麼處是此僧具慙愧若檢得出許上座有行脚眼西夫有聲明三藏到闍師令與師相見師以火箸敲銅鑪問是什麼聲三藏對曰銅鐵聲法眼代云大師久受大王供養師南遊莆田縣無對法燈代云卻是和尙謾大王排百戲迎接來曰師問小塘長老昨日許多喧鬧向

法燈代云大師久受大王供養

法眼代云卻是和尙謾大王

雲居錫云什麼處是此僧具慙愧若

檢得出許上座有行脚眼

別云請大師為大王師曰大王莫受外國人謾三藏

什麼處去也小塘提起衲衣角師曰料掉勿交涉法眼

別云昨日有多少喧鬧師問僧乾闥婆城汝作麼生法燈別云今日更好笑

會僧曰如夢如幻物示之師與地藏珠在方丈內

說話夜深侍者閉卻門師曰門總閉了汝作麼生得

出去琛曰喚什麼作門法燈別云和尚莫欲歇去師一日以杖拄

地問長生日僧見俗見男見女見汝作麼生見長生

日和尚還見皎然見處麼師曰相識滿天下問承和

尚有言聞性徧周法界雪峯打鼓遮裏為什麼不聞

師曰誰知不聞問險惡道中以何為津梁師曰以汝

眼為津梁曰未得者如何師曰快救取師與韋監軍

喫果子韋問如何是日用而不知師拈起果子曰喫

韋喫果子了再問之師曰只者是日用而不知普請

搬柴師曰汝諸人盡承吾力一僧曰既承師力何用

普請師叱之曰不普請爭得柴歸師問明真大師善

財參彌勒彌勒指歸文殊文殊指歸佛處汝道佛指

歸什麼處對曰不知師曰情知汝不知法眼別云喚

大普玄通到禮觀師謂曰汝在彼住莫誑惑人家男

女對曰玄通只是開箇供養門晚來朝去爭敢作恁

麼事師曰事難曰其情是難師曰什麼處是難處曰

為伊不肯承當師便入方丈拄卻門問學人乍入叢

林乞師指箇入路師曰還聞偃溪水聲否曰聞師曰是汝入處泉守王公請師登樓先語客司曰待我引大師到樓前便昇却梯客司稟曰公曰請大師登樓師視樓復視其人乃曰佛法不是此道理法眼云未昇梯時一登樓師與泉守在室中說話有一沙彌揭簾入見卻退步而出師曰那沙彌好與二十拄杖曰恁麼即某甲罪過同安顯別云祖師來也師曰佛法不恁麼鏡清云不為打水打水有僧問不為打水意作麼生鏡清云青山礮為塵敢保勿閉入東禪齊云只如文沙意作麼生或云直饒恁麼去也好與拄杖或云事在當機或云直云拈破會處此三說還會文沙意也無師應機接物僅三十祀致青原石頭之濬流逮今不絕轉道來

際所演法要有大小錄行于海內自餘語句各隨門弟子章及諸方徵舉出焉梁開平二年戊辰十一月二十七日示疾而終壽七十有四臘四十有四闍師為之樹塔

福州長慶慧稜禪師杭州鹽官人也姓孫氏幼歲稟性淳澹年十二於蘇州通玄寺出家登戒歷參禪肆唐乾符五年入閩中謁西院訪靈雲尚有凝滯後之雪峯疑情冰釋因問從上諸聖傳受一路請垂指示雪峯默然師設禮而退雪峯莞爾而笑異日雪峯謂師曰我尋常向師僧道南山有一條鼈鼻蛇汝諸人

好看取對曰今日堂中大人喪身失命雲峯然之  
師入方丈參雲峯曰是什麼師曰今日天晴好普請  
自此躪問未嘗爽於玄旨乃述悟解頌曰

萬象之中獨露身

唯人自肯乃方親

昔時謬向途中覓

今日看如火裏冰

師在西院問訊上座曰遮裏有象骨山汝曾到麼曰  
不曾到師曰爲甚不到曰自有本分事師曰作麼生  
是上座本分事說乃提起衲衣角師曰爲當只遮箇  
別更有曰上座見什麼師曰何得龍頭蛇尾師在宣  
州保福後辭歸雲峯保福問師曰山頭和尚或問上

座信作麼生祇對師曰不避腥羶亦有沙許曰信道  
什麼師曰教我分付阿誰曰從展雖有此語未必有  
恁麼事師曰若然者前程全自閣黎師與保福遊山  
保福問古人道妙峯山頂莫卽這箇便是也無師曰  
是卽是可惜許僧問鼓山只如稜和尚恁麼道意作  
麼生鼓山云孫公若無此語可謂獨  
體徧野白  
骨連山師來往雲峯二十九載至天祐三年受泉  
州刺史王延彬請住招慶初開堂日公朝服趨隅曰  
請師說法師曰還聞麼公設拜師曰雖然如此慮恐  
有人不肯於是敷揚祖意隨機與奪故堯客懂懂曰  
資道化後閩帥請居長樂府之西院奏額曰長慶號

超覺大師上堂良久謂衆曰還有人相悉麼若不  
悉欺謾兄弟去只今有什麼事莫有空塞也無復是  
誰家屋裏事不肯當荷更待何時若是利根參學不  
到者裏來還會麼如今有一般行脚人耳裏總滿也  
假饒收拾得底還當諸人行脚事麼時有僧問行脚  
事如何學師曰但知就入索取又問如何是獨脫一  
路師曰何煩更問又問名言妙義教有所詮不涉三  
科請師直道師曰珍重師乃謂衆曰明明歌詠汝尚  
不會忽被暗來底事汝作麼生又僧問如何是暗來  
底事師曰喫茶去中塔云便請和尚相伴問如何是

不隔毫端底事師曰當不當問如何得不疑不惑去  
師乃展兩手僧不進語師曰汝更問我與汝道僧再  
問之師露膊而坐僧禮拜師曰汝作麼生會僧曰今  
日風起師曰恁麼道未定人見解汝於古今中有什  
麼節要齊得長慶若舉得許汝作話去其僧但立而  
已師卻問汝是什麼處人曰向北人師曰南北三千  
里外學妄語作麼僧無對師上堂良久曰莫道今夜  
較此乎便下座問如何是合聖之言師曰大小長慶  
被汝一問口似匾擔僧曰何故如此師曰適來問什  
麼師謂衆曰我若純舉唱宗乘須閉卻法堂門所以



盡法無民時有僧曰不怕無民請師盡法師曰還委  
落處麼問如何是西來意師曰香巖道底一時坐卻  
師有時示眾曰總似今夜老胡有望保福聞之乃曰  
總似今夜老胡絕望文覺云恁麼道是相見語不是  
相見語東禪齊云此二尊宿語  
一般各有道理衆中道總似如此嫌什麼又安國瑫  
道總似今夜盡作什麼若如此會久悟在  
和尚新得師號師去賀瑫出接師問曰師號來耶曰  
來也師曰是什麼號曰明真師乃展手瑫曰什麼處  
去來師曰幾不問過師問僧什麼處來曰鼓山來師  
曰鼓山有不跨石門底向有人借問汝作麼生道曰  
昨夜報慈宿師曰拍春棒汝又作麼生道曰和尚若行

此棒不虛受人天供養師曰幾放過問古人有言相  
逢不拈出舉意便知有時如何師曰知有也未僧將  
前語  
問保福福云此是誰語僧云  
丹霞語福云去莫妨我打睡師入僧堂舉起疏頭曰  
見即不見還見麼眾無對法眼代云縱受得到  
別處亦不敢呈人師到  
羅山見新製龕子師以杖敲之曰大煞豫備羅山曰  
拙布置師曰還肯入也無羅山曰吽師上堂大眾集  
定師乃拽出一僧曰大眾禮拜此僧又曰此僧有什  
麼長處便教大眾禮拜眾無對問如何是文彩未生  
時事師曰汝先舉我後舉其僧但立而已法眼別去  
請和尚舉  
師曰汝作麼生舉僧曰某甲截舌有分保福遷化人

問師保福拋卻殼漏子向什麼處去也師曰且道保  
福在那箇殼漏子裏法眼別云那箇閩帥夫人崔氏  
奉道自稱鍊師遣使送衣物至云鍊師令就大師請取迴信  
師曰傳語鍊師領取迴信須臾使卻來師前唱喏使  
迴師明白入府鍊師曰昨日謝大師迴信師曰卻請  
昨日迴信看鍊師展兩手閩帥問師曰鍊師適來呈  
信還慳大師意否師曰猶較此手法眼別云燕一轉語大主序道取  
曰未審大師意旨如何師良久帥曰不可思議大師  
佛法深遠僧舉高麗有僧造一觀音像於明州上船  
衆力昇不起因請入開元寺供養問師無利不現身

爲什麼不肯去高麗師曰現身雖普觀相生偏法眼別云  
汝識得有人問僧點什麼燈曰長明燈曰什麼時點  
觀音未曰去年點曰長明何在僧無語師代云若不如此爭  
知公不受人謾法眼別云師兩處開法徒衆一千五  
百化行閩越二十七載後唐長興三年壬辰五月十  
七日歸寂壽七十有九臘六十王氏建塔  
福州大普山玄通禪師福州福唐人也受業於兜率  
山師事雪峯經數稔受心法止于大普焉僧問驪龍  
領下珠如何取得師乃拊掌瞬視問方便以前事如  
何師托出其僧問如何是祖師西來意師曰咬骨頭

漢出去問撥塵見佛時如何師曰脫枷來商量問急  
急相投請師接師曰鈍漢

杭州龍冊寺順德大師道愆永嘉人也姓陳氏非歲  
不食葷茹親黨彊啖以枯魚隨卽盟噉遂求出家于  
本州開元寺受具遊方抵閩川謁雪峯峯問什麼處  
人曰溫州人雪峯曰什麼卽與一宿覺是鄉人也曰  
只如一宿覺是什麼處人雪峯曰好喫一頓棒且放  
過一日師問只如古德豈不是以心傳心雪峯曰兼  
不立文字語句曰只如不立文字語句師如何傳雪  
峯良久師禮謝雪峯曰更問我一轉豈不好曰就和

尚請一轉問頭雪峯曰只什麼爲別有商量曰和尚  
怎麼卽得雪峯曰於汝作麼生曰孤負殺人雪峯有  
時謂衆曰堂堂密密地師出問曰是什麼堂堂密密  
雪峯起立曰道什麼師退步而立雪峯垂語曰此事  
得什麼尊貴得什麼綿密對曰道愆自到來數年不  
聞和尚怎麼示誨雪峯曰我向前雖無如今已有莫  
有所妨麼曰不敢此是和尚不已而已雪峯曰致使  
我如此師從此信入而且隨衆閩中謂之小愆布衲  
因普請處雪峯舉瀉山見色便見心語問師還有過  
也無曰古人爲什麼事雪峯曰雖然如此要共汝商

量曰恁麼卽不如道恁鋤地去。一日雪峯問師何處來曰從外來。雪峯曰什麼處。逢見達磨曰更什麼處。雪峯曰未信汝在。曰和尚莫恁麼粘膩。好雪峯肯之。師後徧歷諸方。益資權智。因訪曹山寂和尚。問什麼處來。曰昨日離明水。寂曰什麼時到。明水曰和尚到時到。寂曰汝道我什麼時到。曰適來猶記得。寂曰如是如是。師罷參。受請止越州鏡清禪苑。唱雪峯之旨。學者奔湊。副使皮光業者。日休之子也。辭學宏贍。屢擊難之。退謂人曰。恁師之高論。人莫窺其極也。新到僧參。師拈起拂子。僧曰久嚮鏡清。猶有遮箇在。師曰

今日遇入。又不遇入。問如何。是靈源。一。直道。師曰鏡湖水可殺深。師問僧什麼處來。曰應天來。師曰還見鰻鰲魚麼。曰不見。師曰闍黎不見。鰻鰲鰻鰲不見。闍黎曰總不恁麼。師曰闍黎只解慎初護末。問學人未達其原。請師方便。師曰是什麼原。僧曰其原。師曰若是其原。爭受方便。僧禮拜退後。侍者問曰和尚適來莫是成他問否。師曰無。曰莫是不成他問否。師曰無。曰未審畢竟意作麼生。師曰一點水墨兩處成龍。師在帳中坐。有僧問訊。師撥帳開曰。當斷不斷。返招其亂。僧曰既是當斷。為什麼不斷。師曰我若盡法。直恐

無民曰不怕無民請師盡法師曰維那拽出此僧著  
又曰休休我在南方識伊和尚來因普請鋤草次浴  
頭請師浴師不顧如是三請師舉鑿作打勢浴頭乃  
走師召曰來來浴頭迴首師曰向後遇作家分明舉  
似其僧後至保福舉前語未了保福以手掩其口僧  
卻迴舉似師師曰饒汝恁麼也未作家師問荷玉什  
麼處來曰天台來師曰我豈是問汝天台曰和尚何  
得龍頭蛇尾師曰鏡清今日失利師看經僧問和尚  
看什麼經師曰我與古人鬪百草師卻問汝會麼曰  
小年也曾恁麼來師曰如今作麼生僧舉拳師曰我

輸你也僧到參師問闍黎從什麼處來曰佛國來師  
曰佛以何爲國曰清淨莊嚴爲國師曰國以何爲佛  
曰妙淨真常爲佛師曰闍黎從妙淨來莊嚴來曰無  
不答對師曰噓噓別處有人問汝不可作遮箇語話  
錢主欲廣府中禪會命居天龍寺始見師乃曰真道  
人也致禮勤厚由是吳越盛於玄學其後又創龍冊  
寺延請居焉師上堂曰如今事不得已向汝道若自  
驗著實箇親切到汝分上因何特地生疎只爲拋家  
日久流浪年深一向緣塵致見如此所以喚作背覺  
合塵亦名捨父逃逝今勸兄弟未歇歇去好未徹徹

夫好大丈夫兒得恁麼無氣槩還惆悵麼終日茫茫  
地何不且覓取箇管帶路好也無人問我管帶一路  
時有僧問如何是管帶一路師曰嗑嗑要棒即道曰  
恁麼即學人罪過也師曰幾被汝打破蔡州問無源  
有路不歸時如何師曰遮箇師僧得坐便坐問如何  
是心師曰是即二頭曰不是如何師曰又不成是頭  
曰是不是總不恁麼時如何師曰更多饒過問十二  
時中以何爲驗師曰得力即向我道僧曰諾師曰十  
萬八千猶可近問如何是方便門速易成就師曰速  
易成就曰爭奈學人領覽未的師曰代得也代却問

如何是玄中玄師曰不是是什麼曰還得當也無師  
曰木頭也解語問如何是人無心合道師曰何不問  
道無心合人曰如何是道無心合人師曰白雲乍可  
來青嶂明月那教下碧天問學人問不到處請師不  
答和尚答不到處學人即不問師乃搗住曰是我道  
理是汝道理曰和尚若打學人學人也即卻打也師  
曰得對相耕去僧舉有僧辭歸宗宗問什麼處去  
曰百丈學五味禪去歸宗不語師乃曰緣歸宗單行  
底事僧問如何是歸宗單行底事師曰棒了趁出院  
僧禮拜師曰作麼生會曰學人罪過師曰料汝恁麼

去問承師有言諸方若不是走作人便是籠罩人未  
審和尚如何師曰被汝致此一問直得當門齒落問  
如何是親的密密底事師曰常用及入曰不知者如  
何師曰好晴好雨師問僧門外什麼聲曰雨滴聲師  
曰衆生顛倒迷已逐物法眼別云畫出僧問如何是同相師  
將火箸挿向鑪中僧又問如何是別相師又將火箸  
挿向一邊法眼別云問不當理有僧引童子到曰此兒子常愛  
問僧佛法請和尚驗看師乃令點茶童子點茶來師  
喫訖過盃托與童子童子近前接師卻縮手曰還道  
得麼童子曰問將來法眼別云和尚更喫茶去僧問和尚此兒子

見解如何師曰也只是丁兩生持戒僧師二處開法  
語要隨門人編錄今但梗槩而已晉天福二年丁酉  
八月示滅壽七十四黑白哀號制服者甚衆茶毗於  
大慈山獲舍利就龍母山之陽建塔

福州長生山皎然禪師本郡人入雪峯室密受心印  
執侍經十載因與僧斫樹雪峯曰斫到心且住師曰  
斫卻著雪峯曰古人以心傳心汝爲什麼道斫卻師  
擲下斧子曰傳雪峯打一拄杖而去僧問雪峯如何  
是第一句雪峯良久僧退舉似於師師曰此是第二  
句雪峯再令其僧來問如何是第一句師曰蒼天蒼

天雪峯普請搬柴問師曰古人道誰知席帽下元是  
 昔愁人古人意作麼生師側戴笠子曰遮箇是什麼  
 人語雪峯問師持經者能荷擔如來作麼生是荷擔  
 如來師乃捧雪峯向禪牀上著雪峯普請歸自將一  
 束藤路上逢一僧放下藤又手立其僧近前拈雪峯  
 卽踢其僧歸院後舉未於師曰我今日踢那僧得恁  
 麼快師對曰和尚卻替那僧入涅槃堂法眼住崇壽  
 說道理請師斷法眼云汝兩僧一時入涅槃堂玄覺  
 云什麼處是替那僧入涅槃堂處崇壽稠云此一轉  
 語卻還老兄東禪齊師嘗訪一庵主款話庵主曰近  
 云如長生意作麼生有一僧問某甲西來意遂舉拂子示之不知還得也

無師曰爭敢道得與不得有人問庵主此事有人保  
 任如虎頭帶角有人嫌棄則不直一文錢此事爲什  
 麼毀譽不同請試揀出看曰適來出自偶然爭揀得  
 出師曰若恁麼此後不得爲人玄覺云一等是恁麼  
 上座若無智事爲什麼有得有失雪峯問師光境俱亡復是何物師曰放  
 皎然過敢有商量雪峯曰放汝過作麼生商量曰皎  
 然亦放和尚過雪峯深許之尋受記止于長生山分  
 化焉僧問從上宗乘如何舉唱師曰不可爲闍黎荒  
 卻長生山也問古人有言無明卽佛性煩惱不須除  
 如何是無明卽佛性師忿然作色舉拳訶曰今日打



遮師僧去也。僧曰：如何是煩惱不須除？師以手擎頭，曰：遮師僧得恁麼發人業，問路逢達道人，不將語默對未審，將什麼對？師曰：上紙墨堪作什麼？閩師署禪主大師，莫知所終。

信州鷲湖智孝禪師，福州人也。始依講肆肄業於長安，因思玄極之理，乃造雪峯師，事數年，既領心訣，隨緣而止。鷲湖大張法席，僧問：萬法歸一，歸何所？師曰：非但闍黎一人忙，問虛空講經，以何為宗？師曰：闍黎不是聽衆，出去問五逆之子，還受父約也。無師曰：雖有自裁，未免傷已。問：如何是佛向上人？師曰：情知

闍黎不奈何，曰：為什麼不奈何？師曰：未必小兒得見。君子有人報云：徑山和尚遷化也。僧問：徑山遷化，向什麼處去？師曰：大有靈利底，過於闍黎。問：在先一句，請師道。師曰：腳跟下採取什麼？曰：即今見問。師曰：看闍黎變身，不得問雪峯。拋下拄杖，意作麼生？師以香匙拋下地。僧曰：未審此意如何？師曰：不是好種，出去問如何是鷲湖第一句？師曰：道什麼？曰：如何即是？師曰：妨我打睡。問：不問不答時如何？師曰：問人焉知問迷子未歸家時如何？師曰：不在途。曰：歸後如何？師曰：正迷問如何是源頭事？師曰：途中覓什麼？問：如何是

一句師曰會麼曰恁麼莫便是否師曰蒼天蒼天鏡  
清問如何是即今底師曰何更即今清曰幾就支荷  
師曰語逆言順

漳州報恩院懷岳禪師泉州人也少依本州聖壽院  
受業罷參雪峯止龍溪玄侶奔湊僧問十二時中如  
何行履師曰動即死曰不動時如何師曰猶是守古  
冢鬼問如何是學人出身處師曰有什麼物纏縛  
黎曰爭奈出身不得何師曰過在阿誰問如何是報  
恩一靈物師曰喫如許多酒糟作麼曰還露脚手也  
無師曰遮裏是什麼處所僧問牛頭未見四祖時如

何師曰萬里一片雲曰見後如何師曰廊落地僧問  
如何是佛法大意師曰昨夜三更失卻火問黑雲陟  
暗誰當雨者師曰峻處先傾問宗乘不卻如何舉唱  
師曰山不自稱水無間斷問佛未出世時如何師曰  
汝爭得知問撥塵見佛時如何師曰什麼年中得見  
來問師子在窟時如何師曰師子是什麼家具又問  
師子出窟時如何師曰師子在什麼處問如何是目  
前佛師曰快禮拜師臨遷化上堂示眾曰出僧十二  
年來舉唱宗教諸人怪我什麼處若要聽三經五論  
此去開元寺咫尺言訖告寂

杭州西興化度悟真大師師郁泉州人也自得靈峯  
心印化緣盛于杭越之間後居西興鎮之化度院法  
席大興僧問如何是西來意師舉拂子僧曰學人不  
會師曰喫茶去問如何是無縫塔師曰五尺六尺問  
如何是一塵師曰九世剎那分曰如何合得法界師  
曰法界在什麼處問谿谷各異師何明一師曰汝喘  
作麼問學人初機乞和尚指示入路師曰汝怪化度  
什麼處問如何是隨色摩尼珠師曰青黃赤白曰如  
何是不隨色摩尼珠師曰青黃赤白問如何是西來  
意師曰是東來是西來問牛頭未見四祖時如何師

曰鳥獸俱迷曰見後如何師曰山深水冷問維摩與  
文殊對談何事師曰唯有門前鏡湖水清風不改舊  
時波自是聲聞于遐邇錢王欽其道德奉紫衣師號  
福州鼓山興聖國師神晏太梁人也姓李氏幼惡葷  
羶樂聞鐘梵年十二時有白氣數道騰于所居屋壁  
師即擲毫書其壁曰白道從茲速改張休來顯現作  
妖祥定祛邪行歸真見必得超凡入聖鄉題罷氣即  
隨滅年南志學遘疾甚亟夢神人與藥覺而頓愈明  
年又夢梵僧告云出家時至矣遂依衛州白鹿山道  
規禪師披削嵩嶽受具謂同學曰古德云白四羯磨

後全體戒定慧豈準繩而可拘也於是杖錫徧叩禪  
關而但記語言存乎知解及造雪嶺朗然符契一日  
參雪峯峯知其緣熟忽起搗住曰是什麼師釋然了  
悟亦忘其了心唯舉手搖曳而已雪峯曰子作道理  
耶師曰何道理之有雪峯審其懸解撫而印之暨雪  
峯歸寂閩帥於府城之左二十里開鼓山創禪宮請  
揚宗教師上堂衆集良久曰南泉在白亦有人舉莫  
且不識南泉卽今還有識南泉者麼試出來對衆驗  
看時有僧出禮拜纔起師曰作麼生僧近前曰咨和  
尚師曰不才請退又曰經有經師論有論師律有律

師有函有號有部有表各有人傳持且佛法是建立  
教禪道乃止啼之說他諸聖興來蓋爲人心不等巧  
開方便遂有多門受疾不同處方還異在有破有居  
空叱空二患旣除中道須遺鼓山所以道句不當機  
言非展事承言者喪滯句者迷不唱言前寧譚句後  
直至釋迦掩室淨名杜口大士梁時童子當日一問  
二問三問盡有人了也諸仁者作麼生時有僧禮拜  
師曰高聲問僧曰學人咨和尚師乃喝出問已事未  
明以何爲驗師抗音似未聞其僧再問師曰一點隨  
流食咸不重問如何是包盡乾坤底句師曰近前僧

近前師曰鈍置殺人問如何紹得師曰犴狎無風徒  
 勞展掌曰如何即是師曰錯問學人便承當時如何  
 師曰汝作麼生承當法燈別云莫費力問如何是學人正立  
 處師曰不從諸聖行法燈別云汝擬亂走問千山萬山阿那箇  
 是正山師曰用正山作麼法燈云千山萬山師與招慶相遇  
 招慶曰家常師曰無厭生招慶曰且款款師卻云家  
 常招慶曰今日未有火師曰太鄙吝生招慶曰穩便  
 將取去東禪齊拈云此二尊宿語還有得失也無若  
 有阿那箇得阿那箇失若無得失諸人未具  
 行脚問如何免得輪迴生死師曰把將生死來問如  
 何是宗門中事師側掌曰吽吽問如何是向上一關

候字師乃打之問如何是鼓山正主師曰瞎作麼師  
 問保福古人道非不非是不是意作麼生保福拈起  
 茶盞師曰莫是非好問如何是真實人體師曰即今  
 是什麼體曰究竟如何師曰爭得到恁麼地問如何  
 是佛法大意師曰金烏一點萬里無雲師問僧鼓山  
 有不跨石門句汝作麼生道僧曰請師乃打之問如  
 何是古人省心力處師曰汝何費力問言滿天下無  
 口過如何是無口過師曰有什麼過問如何是省要  
 處師曰還自取麼師與闍師瞻仰佛像闍師問是什  
 麼佛曰請大王鑒曰鑒即不是佛曰是什麼無對長慶

代云又承大師問從上宗乘如何舉唱師以拂子慕  
在眾向得造次問從上宗乘如何舉唱師以拂子慕  
口打問如何是教外別傳底事師曰喫茶去又曰合  
為諸仁者刺頭入他諸聖化門裏抖擻不出所以向  
仁者道教排不到祖不西來三世諸佛不能唱十二  
分教載不起凡聖攝不得古今傳不得忽爾是箇漢  
未通箇消息向他恁麼道被他幕口擱還怪得他麼  
雖然如此也不得亂擱鼓山尋常道更有一人不跨  
石門須有不跨石門句作麼生是不跨石門句鼓山  
自住三十餘年五湖四海來者向高山頂上看山斫  
冰未見一人快利通得如今還有人通得也不昧兄

弟珍重乃有偈示眾曰

直下猶難會 尋言轉更賒 若論佛與祖  
特地隔天涯

閩帥禮重常詢法要焉  
漳州隆壽興法大師紹卿泉州人也姓陳氏幼於靈  
巖寺習經論講業既就而深慕禪那乃問法于雪峯  
之室服勤數載從緣開悟因侍經行見芋葉動雪峯  
指動葉視之師對曰紹卿甚生怕怖峯曰是汝屋裏  
底怕怖什麼師於是洗然省悟頓息他遊尋受請居  
龍谿焉僧問古人道摩尼殿有四角一角常露如何

是常露底角師舉拂子問糧不畜一粒如何濟得萬人  
 人饑師曰俵客面前如奪劍看君不是點兒郎問木  
 拍盲底人來師還接否師曰前後大應得此便也曰  
 莫便是接否師曰遮漢來遮裏插鬚問耳自不到處  
 如何師曰汝無此作曰恁麼即聞也師曰真箇龔漢  
 漳守王公欽尚祖風為奏紫衣師名

福州僊宗院仁慧大師行瑫泉州人也姓王氏本州  
 開元寺受業預雪峯禪會聲聞四遠閩師請轉法輪  
 玄徒奔至上堂曰我與釋迦同參汝道參什麼人時  
 有一僧出禮拜擬伸問師曰錯問如何是西來意師

曰熊耳不曾藏問直下事乞師方便師曰不因汝問  
 我亦不道問如何是西來意師曰白白無閑人

福州蓮華山永福院超證大師從弁先住漳州報恩院僧問

儒門以五常為極則未審宗門以何為極則師良久  
 僧曰恁麼即學人造次也師曰好與拄杖問教云唯  
 有一乘法如何是一乘法師曰汝道我在遮裏作什  
 麼曰恁麼即不知教意也師曰雖然如此卻不孤負  
 汝問不向問處領猶是學人問處和尚如何師曰喫  
 茶去長慶常云盡法無民師曰永福即不然若不盡  
 法又爭得民時有僧曰請師盡法師曰我不要汝納

稅問諸餘卽不問聊徑處乞師垂慈師曰不快禮三拜師上堂曰咄咄看箭便歸方丈問請師盡令師曰莫埋沒問大衆雲集請師說法師曰聞麼曰若更符思應難得及師曰實卽得問摩尼殿有四角一角常露如何是常露底角師曰不可更點師上堂於座邊立謂衆曰二尊不並化便歸方丈

杭州龍華寺真覺大師靈照高麗人也萍遊閩越升雪峯之堂冥符玄旨居唯一衲服勤衆務閩中謂之照布衲一夕指半月問溥上座那一片什麼處去也溥曰莫妄想師曰失卻一片也衆雖歎美而恬澹自

持初止婺州齊雲山上堂良久忽舒手視其衆曰乞取些子乞取些子又曰一人傳虛萬人傳實僧問草童能歌舞未審今時還有無師下座作舞曰沙彌會麼僧曰不會師曰山僧踢曲子也不會問靈山會上法法相傳未審齊雲將何付囑師曰不可爲汝一人荒卻齊雲也曰莫便是親付囑也無師曰莫令大衆笑問還丹一粒點鐵成金至理一言點凡成聖請師一點師曰還知齊雲點金成鐵麼曰點金成鐵未之前聞至理一言敢希垂示師曰向下不薦後悔難追師次居越州鏡清院海衆悅隨一日謂衆曰盡令去



也僧曰請師盡令師曰咩咩問如何是學人本分事  
師曰鏡清不惜口問請師雕琢師曰八成曰爲什麼  
不十成師曰還知鏡清生修理麼師問僧什麼處來  
曰五峯來師曰來作什麼曰禮拜和尚師曰何不自  
禮曰禮了也師曰鏡湖水淺問如何是第一句師曰  
莫錯下名言曰師豈無方便師曰烏頭養雀兒問向  
上一路千聖不傳未審什麼人傳得師曰千聖也疑  
我曰莫便是傳也無師曰晉帝斬嵇康問釋迦掩室  
於摩竭淨名杜口於毗耶此意如何師曰東廊下兩  
兩三三師謂衆曰諸方以毗盧法身爲極則鏡清遮

裏卽不然須知毗盧有師法身有王問如何是毗盧  
師法身王師曰二公爭敢論問古人道見色便見心  
此卽是色阿那箇是心師曰怎麼問莫欺山僧麼問  
未剖以前請師斷師曰落在什麼處曰怎麼卽失口  
也師曰寒山送瀉山又曰住住闍黎失口山僧失口  
曰惡虎不食子師曰驢頭出馬頭迴師驀問一僧記  
得麼曰記得師曰道什麼曰道什麼師曰淮南小兒  
入寺問是什麼卽俊鷹俊鷄趁不及師曰闍黎別問  
山僧別答曰請師別答師曰十里行人較一程問金  
屑雖貴眼裏著不得時如何師曰著不得還著得麼

僧禮拜師曰深沙神問菩提樹下度衆生如何是菩提樹師曰大似苦練樹曰爲什麼似苦練樹師曰素非良馬何勞鞭影後湖守錢公卜杭之西關創報慈院延請開法禪衆翕然依附尋而錢王建龍華寺迎金華傳大士靈骨道具眞焉命師住持晉天福十二年丁未閏七月二十六日終于本寺壽七十八塔于大慈山

明州翠巖永明大師令參湖州人也自雪峯受記止于翠巖大張法席問不借三寸請師道師曰茶堂裏貶剝去問國師三喚侍者意旨如何師曰抑逼人作

麼問諸餘卽不問師默之僧曰如何舉似於人師喚侍者點茶來師上堂曰今夏與諸兄弟語論看翠巖眉毛還在麼長慶聞云生也問凡有言句盡是點汚如何是省要處師曰大衆笑汝問坦然不滯鋒銛時如何師曰大有入人作此見解曰畢竟如何師曰坦然不滯鋒銛問古人拈槌豎拂意旨如何師曰邪法難扶問僧絲爲什麼寫誌公眞不得師曰作麼生合世問險惡道中以何爲津梁師曰藥山再三叮囑問不滯凡聖當機何示師曰莫向入道翠巖靈利問妙機言句盡皆不當宗乘中事如何師曰禮拜著曰學人不會師

曰出家行腳禮拜也不會錢王嚮師道風請居龍冊寺終焉

景德傳燈錄卷第十八

音釋

瑠吐刀切弇音艇徒頂切船小讚古困切劑才詣切限

覲古候切椿株江切窺研計切惰虛業切瞋苦

瞋見也諱張流切鬲拍逼切圈去圓切窒栗

切塞補各切啖徒濫切盟烏沒切噉咽也

也殊悅切喘昌克切羶尸連切祛丘於切邁古候切

欲也直質切候郎計抖擻抖多口切黠胡八

慧鷄羊笑切真職吏切也鷹鷄也安著也

丹陽居士賀學禮施贊刻此

景德傳燈錄卷十八計字一萬四千零六十箇

該銀七兩三錢一分

松陵沙彌宗遠對長洲徐普善進賢洪以忠刻

萬曆丙午季春月徑山寂照庵識

世尊與諸弟子  
共遊鹿野園  
時有六人  
見佛生信  
咸發菩提心  
是為阿若多  
四無所畏  
阿若多者  
無所不知  
無所不覺  
無所不覺  
無所不知

世尊與諸弟子  
共遊鹿野園  
時有六人  
見佛生信  
咸發菩提心  
是為阿若多  
四無所畏  
阿若多者  
無所不知  
無所不覺  
無所不覺  
無所不知

